

<https://news.usm.my>

Berita Mutakhir

23 FEB

USM TANDATANGANI MEMORANDUM PERSEFAHAMAN UNTUK PENYELIDIKAN PERDAMAIAN

12729250 10208582055413237 4644037660127012105 n

TOKYO, JEPUN, 22 Februari 2016 - Universiti Sains Malaysia (USM) hari ini menandatangani dua Memorandum Persefahaman (MoU) untuk mengukuhkan kerjasama dengan dua buah universiti di Jepun.

Naib Canselor USM Profesor Dato' Dr. Omar Osman yang dalam rangka lawatan kerja ke negara tersebut menandatangani dengan SOKA University dan TODA Institute for Global Peace and Policy Research di sini.

"MoU dengan SOKA University memberi tumpuan kepada mengadakan pertukaran pelajar, staf akademik dan penyelidikan bersama khususnya dalam penyelidikan perdamaian. SOKA University merupakan salah sebuah universiti Jepun yang diberi status sebagai 'super global university' oleh Kementerian Pelajaran Jepun," kata Omar.

12509211 10208582055733245 1345340277409970110 n

Jelas beliau lagi, MoU dengan TODA Institute for Global Peace and Policy Research pula bertujuan untuk memperkukuhkan jaringan USM dalam bidang perdamaian terutamanya penyelidikan dalam isu perdamaian sejagat. TODA akan bekerjasama dengan Pusat Penyelidikan Dasar dan Kajian Antarabangsa (CenPRIS) USM mempromosikan perdamaian di rantau Asia Pasifik.

USM ialah universiti yang pertama menandatangani MOU dgn TODA Institute for Global Peace and Policy Research Jepun untuk tujuan sedemikian.

Dokumen MoU tersebut ditandatangani oleh Presiden SOKA University Profesor Dr. Yoshihisa Baba manakala TODA Institute for Global Peace and Policy Research diwakili oleh wakil pengarahnya Profesor Dr. Joji Kaga.

"USM berbangga dan berharap kolaborasi seperti ini dapat mengukuhkan kedudukan di negara Jepun serta pada peringkat antarabangsa bukan sahaja dalam bidang Sains dan Teknologi tetapi juga dalam bidang Kesusasteraan dan Sains Sosial termasuk bidang perdamaian yang menjadi satu agenda utama dunia pada hari ini," kata Omar.

Yang turut hadir dalam penandatanganan dokumen MoU ini adalah Timbalan Naib Canselor (Penyelidikan dan Inovasi) Profesor Dato' Dr. Muhamad Jantan, Pengarah Kolaborasi Antarabangsa Profesor Dr. Lee Keat Teong dan Pengarah CenPRIS Profesor Madya Dr. Azeem Fazwan Ahmad.

Teks: Mohamad Abdullah / Foto: Prof. Lee Keat Teong



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015